

# LETTRE DV ROY,

Enuoyée à Monsieur le Mareschal de  
L'hospital, Gouverneur de la Ville de  
Paris, Sur les affaires presentes.

*De Blois le 23. iour de Mars, 1652.*



A PARIS.

Par les Imprimeurs & Libraires ordinaires du Roy.

---

M. DC. LII.

*Avec Privilege de sa Majesté.*



# LETTRE DU ROY

Envoyé à Monsieur le Maréchal de  
I. de la Cour de la Ville de  
Paris, par les Messieurs  
de la Cour de la Ville de



A PARIS

Par le Roy, le 15 Mars 1715

M. de la Cour

de la Ville de





LETTRE DV ROY,  
*Enuoyée à Monsieur le Marechal de L'hospital,  
 Gouverneur de la Ville de Paris, Sur les  
 affaires presentes.*



MON COUSIN,

Si la diligence extraordinaire qu'a fait mon  
 Cousin le Comte d'Harcourt, pour secourir  
 les Regimens de Champagne & de Lorraine,  
 obligea le Prince de Condé qui les tenoit as-  
 siegez dans Miradoux d'abandonner la place,  
 & de chercher sa seureté dans sa retraite: Cel-  
 le qu'il medita deslors pour le suiure aussi-tost  
 que ses troupes auroient pris haleine, n'a pas  
 eu vn moindre succès. Dés qu'il crût pouuoir



continuer sa marche & son dessein , il s'avança vers les lieux où il auoit appris que ce Prince auoit logé son armée, il y arriua le 16. de ce mois, & le mesme iour surprit dans le Pergan sept compagnies des Gardes, tant des Princes que de leurs Lieutenans generaux; & laissa deuant cette place les sieurs de S. Luc, & de Sauuebeuf avec huiet cens cheuaux, & son infanterie pour l'assieger, pendant qu'avec le reste de sa cauallerie & quelques Regimens il empeschoit les ennemis de se r'allier. Dans ceste genereuse ardeur, il les poussa avec tant d'impetuosité, qu'il ne les eût pas plustost attaquez, qu'il les mit en desordre. Il en poursuivit luy-mesme vne partie iusques sur le port d'Agen, fit forcer en sa presence les barricades qu'ils auoient faites au Fauxbourg joignant la riuiera; contraignit Balthasar de se sauuer en desordre avec quelque cauallerie dans le pais d'Albret, les compagnies des gardes assiegées de se rendre prisonniers de guerre, la garnison de Strahon, où le Prince de Condé auoit estably son quartier general, & mis son canon, de se rendre à discretion; & le Prince de s'embarquer à la haste à vne lieuë de



de là pour se sauuer avec quelque Infanterie qu'il auoit auprès de sa personne. L'espouuëte fut telle parmy les ennemis, que si ma caualerie n'eût pas esté fatiguée du chemin qu'elle auoit fait, les fuyards n'eurent pas fait vne longue course: & sans doute que ceste journée m'eust donné sur eux vne entiere victoire. Ils n'ont pas laissé d'y perdre mille cheuaux, leur canon, leur equipage, & de quatre cens fantassins qui auoient ordre de se jeter dans le Chasteau de Nerac, il n'y en est entré que soixante, le reste a quitté les armes. Le Cheualier de Roquelaure & plusieurs autres Officiers sont demeurez prisonniers: plusieurs domestiques du Prince de Condé qui estoient du nombre, ont esté renuoyez par mon Cousin le Comte d'Harcourt, excepté les Gardes. Le sieur de Sauuëbeuf est le seul homme de marque des miens qui a esté blessé d'une mousquetade en cette occasion. Le Cheualier de Crequy y a fait à son ordinaire tout ce qu'on pouuoit attendre de son courage. On l'auoit depesché pour venir me rendre compte luy-mesme de ce qu'il a veu, & de ce qui s'est passé en cette



action ; mais comme il s'est blessé en chemin , & qu'il n'a pû passer outre , il a esté contraint de m'enuoyer par vn des siens vne lettre du sieur de Tracy, qui m'apprend tout ce que ie viens de vous dire. L'aduis qu'on m'a donné que les Espagnols auoient dessein de se saisir de Baugency , de Gyen , & de Gergeau , & la priere que m'ont faite les Habitans de ces Villes de pourueoir à leur seureté , m'ont obligé d'y enuoyer quelques troupes en garnison , pour les garantir de toutes surprises ; & de m'arrester encore pour peu de iours en cette ville , tant pour asseurer les autres passages de la riuiera de Loire , que pour attendre que les troupes que ie fais venir auprès de ma personne se soient jointes , afin qu'aussi-tost apres ie puisse m'approcher de ma bonne ville de Paris , & de pousser mes ennemis. Cependant ie desire que vous fassiez part de cette bonne nouuelle , & du sujet de mon sejour en cette ville au corps de ma Capitale , & à tous mes bons seruiteurs ; & que vous l'asseurierez tousiours de ma bien-veillance. Sur ce, ie prie Dieu qu'il vous ayt, mon Cousin , en sa



7

sainte garde. Escrit à Blois le vingt-troisies-  
me iour de Mars mil six cens cinquante  
deux , Signé L O V I S. Et plus bas, DE  
G V E N E G A V D.

*Et sur la suscription,*

A mon Cousin le sieur de L'hospital  
Mareschal de France , Gouverneur,  
& mon Lieutenant General en  
en ma bonne ville, Preuosté, & Vi-  
comté de Paris.

7  
sainte garde. Il est à Blois le vingt-trois-  
me jour de Mars mil six cents cinquante  
deux, signé L. O. V. L. Et plus bas, a  
Guerinard.

Et sur la signature,

A mon Cousin le fleur de l'hospital  
Marschal de France, Gouverneur  
de mon lieuegeois General en  
en ma bonne ville, Breuille, & Vis  
comte de Paris.